

欽定剿平三省邪匪方略

欽定剿平三省邪匪方略正編卷一百五十七

庚申年

三月初十日

壬戌

額勒登保那彥成奏言查岱森

保綸布春等緊追張添倫等股賊匪從西和一

帶前去

臣

等探得高馬二姓之賊先在瓦石坪

聞有官兵向兩河口等處逃竄兩河口東南通

階州西北通西固一入階州漸近川之龍安若

向西固西竄則又在川之松潘番地均爲可慮

臣

等遂親督官兵趕至兩河口預扼其赴階州

之路該匪等又復翻山竄至西固有直趨松潘

之勢

臣

等又趕赴西固迤西攔截賊又折竄衝

過土司楊宗業卡隘由黑峪寺本諸寺向岷州

一帶逃逸

臣

等恐尾追無益當卽留兵九百餘

名令宗將瑪林阿帶領由本諸寺一帶跟蹤緊

蹣作爲聲勢並飭令署松潘遊擊劉國剛嚴加

堵禦將可通松潘小道盡行挖斷臣等仍卽覓

道趕回岷州之荔川一帶迎頭截擊二十九日

在漳縣之釜家門偵得賊匪竄過如盤臣等卽

於四鼓親督官兵趕緊窮追疾馳一百五十餘

里知賊匪已在禮辛鎮附近村莊擄掠炊食意

欲住息當令札克塔爾慶成帶兵爲一路臣額

勒登保又帶兵作爲一路進攻賊匪猝不及防

俱上山梁屯據往來衝壓抵拒適臣那彥成亦

卽帶領侍衛等搶上山梁我兵諸路並進立斃

賊匪三百餘名賊匪奔上山梁滾巖跌斃六十

餘人餘匪翻山四竄我兵追過四重山梁又殺

賊一百數十名時已戌末暫歇兵大隨於次日

五鼓整兵追剿賊匪尙未遠颺臣那彥成率同

札克塔爾等行出二十餘里天南黎明賊匪在

何家衢大山梁上排列馬匹甚多並於各山溝  
坎埋伏當督令馬步兵丁分三路進攻

臣

額勒

登保帶領安福劉瑞豆爾等分路抄截賊匪恃  
其人衆亦分數股撲前勢甚兇悍我兵連占三  
層山包往來衝壓賊匪搖旗吶喊慶成帶領馬  
兵直入賊隊被賊矛向轂左腿穿透皮衣兩層  
尙未受傷慶成復帶領江鼎雅林保楞格青著

欽巴圖數人已自山梁斜上將賊隊衝爲兩截

臣

那彥成緊督吉林屯練甘涼兵放鎗連斃執

旗賊目數人復督催將領帶兵一齊擁上賊始

敗退維時埋伏之賊左右並起俱經各路官兵

分投擊退追殺數十里斃賊九百餘名統計兩

日殺斃一千四五百名生擒二百六名續又搜

獲及民人縛獻者一百餘名搶獲大礮五個帥

字大旗三桿小旗四百餘面鳥鎗刀矛五百餘  
件騾馬甚多並獲戴花翎僞元帥詹世貴此次  
打仗將領兵丁均屬奮勉慶成尤爲勇往出衆  
帶兵實爲得力訊據詹世貴供稱此股賊首係  
高二馬五合夥並隨處裹脅共有六千餘人原  
欲向階文一帶潛出川西或從松潘前往屢被  
官兵追截始行折回連日打仗傷損不少裹脅



之人又皆逃散現無一定去向等語當卽凌遲處死其餘訊明真正賊匪亦卽正法被擄居民馮其何等二百餘名亦卽釋放餘賊俱向寧遠境內奔竄<sub>臣</sub>等仍卽分兵趕剿以期殲淨此股又綸布春岱森保等兩路追賊前赴西和後<sub>臣</sub>等輾轉剿賊俱由山僻小路行走未經接有來信一得該員等剿賊信息卽行具奏再<sub>臣</sub>額勒

發保近接德楞泰來信已由廣元昭化劍州一帶趨程前赴川西並據聲稱接魁倫來札知帶兵在潼川鳳凰山剗營德楞泰亦卽札致魁倫囑其嚴密防堵以扼西赴成都之路俟德楞泰帶兵到後卽行併力剿辦計目下德楞泰已與魁倫會合賊匪當可不致蔓延至

臣奉到

諭旨令岱森保前往陝西幫同台布剿賊但查陝省

鎮安商雒一帶已經奏明令恒瑞帶兵前往

臣

額勒登保此次由川來甘祇帶有兵勇四千餘  
名合之那彥成所帶兵勇不過七千名刻下分  
路剿賊已無餘兵可撥其甘省現有之兵將來  
只可留以防邊亦不便酌調其陝省鎮安五郎  
商雒各鎮將所帶官兵五千餘名合之恒瑞所  
帶馬步兵勇三千餘名共有八千餘名以目下

情形而論似可毋庸再行添撥現在分路帶兵  
之員綸布春與穆克登布等爲一路岱森保與  
楊遇春等爲一路均未在臣等一處應俟岱森  
保會合時將其所帶馬隊官兵另行派員管領  
再行遵

旨令岱森保前赴陝西協同恒瑞等剿賊

額勒登保那彥成又奏言查現在賊匪分股肆

竄自非添調兵丁不能遂行歲事今蒙

皇上調撥黔兵五千名赴川並酌調湖南兵一千或

二千名前赴湖北又令吉慶於廣東挑兵三千

名廣西挑兵二千名以備撥用此時川陝楚甘

均在剿賊而川西尤爲緊要次則陝西

臣

等公

同酌商所有廣西兵二千名從全州至荊州而

至巴東歸州卽由水路直至夔州此項官兵竟

應添撥川省其廣東兵三千名踰梅嶺由水路  
可達荊州將來或湖北尙須兵力卽酌留千名  
如可無須增添則廣東兵仍可儘數由水路赴  
陝之興安爲陝省剿賊之用所有山西兵三千  
名現在蒲州聽候陝省調用查山西兵丁不甚  
得力或酌留晉省防守似毋庸再行調撥至甘  
省賊匪以臣等現有之兵足敷剿辦竟可毋庸

增添其各路原調官兵屢有陣傷亡故前經勒保奏明更換到來後漸又缺額此外老病傷殘留於地方調養者爲數不少曾疊飭地方官確查具報將病已全愈者仍令來營打仗其年老傷殘各兵俱陸續遣回計有二千餘名又恐該兵丁等藉故希圖回籍因飭各該省文武大員查驗以杜規避務期一兵得一兵之用至鄉勇

一項原可得力各省中有自爲團集各保身家者無須官給鹽糧但緩急殊不足恃招募鄉勇各處情形不同如楚北之竹谿竹山一帶均可如兵丁一律奮勇次則四川各州縣亦能得力如陝省鎮安一帶多各省寄籍之人能耐辛苦尙堪應用卽甘省秦州畧陽等處之人亦堪挑募惟五郎以西人心不齊甘省之禮縣西和等



處民人過於樸魯不能得力此等招募鄉勇全在地方官認真挑選隨時管教且該鄉勇等既食鹽糧同一効命懈惰者當嚴懲殺賊者豈可稍有屈抑惟當賞罰嚴明俾知激勸

同日德楞泰奏言竊

臣

行抵川境由昭劍趕程

沿途行旅斷絕場市一空派員逐處招撫并令地方文武官鎮靜堵禦出示招徠察看民情甚

爲慌懼二十二日抵武連驛該處房屋已被焚  
數十間亦無居民探得劍州之元山場等處屯  
聚賊衆已過去路之西向彰明江油一帶奔竄  
係趨龍安赴白水街畧陽之路若由梓綿尾追  
愈入愈深詢得武連驛右手小路可以繞出江  
油之重華堰箐林口卽爲龍安等處要徑較爲  
便捷二十三日趕至張村壩我兵已扼據賊前

哨探賊衆尙在東南新店子馬蹄岡一帶焚掠

二十四日臣帶兵自北向南行十餘里卽有烏

龍寨寨首飛稟今早賊匪千餘人圍攻該寨危

急萬分懇請剿除當卽起至見寨內男婦老幼

號哭慌亂賊匪一見官兵舍寨來撲我兵競進

立殺三十餘人追至馬蹄岡正欲探明新店子

進剿詎敗回之賊復統衆三四千人騎馬甚多

分佔山包

註

亦分路進擊殺賊百數十名復追

至黃茅嶺沿途斬擒不少下視新店子賊巢一

帶蟻聚蜂屯佔據九座山包排列整齊賊見官

兵搶上黃茅嶺遂分四路每路約有騎馬賊四

五百名步賊二三千人洶湧而來當將擒縛活

賊一百七十餘名盡行斬訖隨派令賽冲阿帶

領侍衛富僧德慶昌德楞額協領明德富珠祿

參將李應貴劉維馨遊擊唐玉龍李應元都司  
沈洪守備馬元汪雲等爲一路令溫春帶領侍  
衛薩寧阿塔什蘭總管孫得保營長蘇沖阿參  
將達自祥閔懷希遊擊馬應國李東山馬元得  
王霖都司劉彪馬文斌守備彭家棟袁升侯等  
爲一路令阿穆勒塔帶領侍衛華品法依當阿  
總管色爾滾富登額參將蒲尙佐遊擊何君佐

都司何雄守備高發榮等爲一路臣帶領侍衛

阿納保西拉布克什布營總西靈阿前鋒校珠

爾杭阿巴哈佈副將馬喻遊擊馬濟都司張應

貴馬占魁守備楊登魁馬光宇楊春和等爲一

路分帶滿漢官兵並進衝壓數次箭射鎗擊殺

賊三百餘人見有身穿蟒袍草帽上戴花翎賊

首二人分路督催衆賊下壓官兵三路馬隊緊

追其一穿蟒袍者墜馬當被鄉勇冉玉龍生縛  
一穿蟒袍者被索倫委防禦箭傷脫逃尙有戴  
花翎賊目一名被吉林藍翎領催常在鎗擊下  
馬卽被拖去賊匪大敗乘勝殺入新店子詎該  
逆伏賊突出三面環繞我兵初猶鎗箭齊發繼  
則愈聚愈多不避鎗箭刀矛交錯鏖戰兩時之  
久賽沖阿溫春阿穆勒塔等忽被重圍箭枝射

盡持刀砍殺臣卽帶侍衛將弁兵勇飛奔救援

鎗箭刀矛蜂擁前進痛加殲戮內衝外擊互有

殺傷重圍始解臣復率各領隊將弁兵勇直前

衝殺無不倍加出力殲賊不計其數直至酉刻

將賊剿退因黃連垭古樓山而逃此次鏖戰一

日見馬步賊匪約有萬餘並有鎗礮火藥弓箭

等項官兵所殺賊匪及帶鎗箭傷而逃者不知



凡幾其滿漢員弁受矛傷者共十五員陣亡者  
十八員滿漢兵勇受傷及陣亡者百餘名訊得  
生擒賊目係陳得俸查該逆前經勒保倭什布  
奏報線字號著名首逆據供自八石坪敗後竄  
至通城卽帶二三百人逃入香沖一帶此路賊  
匪係藍號冉添元黃號徐萬富青號徐添德之  
徒汪瀛線字號自是我四股原共有三四千人過

江後擄掠較多亦有投來囑匪現在約有三萬  
餘人戰手約有一半馬有三千餘匹原要走重  
華堰或過白水街或到畧陽與甘肅各股會合  
不料官兵一直殺來合營驚慌再添元弟兄並  
各頭領都來拚死抵住傷損許多頭目戰手還  
有白號張子聰庾向瑞雷世旺在魏城一帶亦  
有二萬餘人並據孛獲探信賊匪楊正洪一名

供稱冉添元箭傷右手冉添恒鎗斃各等語又據難民趙廷文投營稟稱伊被冉添恒擄去服役打仗時看見冉添恒被鎗打死冉添元右手掌被箭穿過還有三個頭目帶傷擡回卽死後詢知箭射穿蟒袍者卽係冉添元鎗斃戴花翎者卽係冉添恒隨令兵役前去起出劈山礮六位當將趙廷文重賞銀兩給票歸業是夜探得

逆衆被剿後漏夜率男婦大小潛逃留戰手五六千人守後又據探報兩河口尙有賊匪千餘人焚掠查兩河口距江油縣三四十里既有賊匪滋擾卽應截剿逼歸一處方免牽綴兵力二十五日派令寶冲阿富僧德馬瑜等帶馬步兵二千名赴彼截剿旋據稟報該匪折回已與冉逆等併合二十六日探得冉逆等四股賊匪在

白家壩一帶又與屯紮魏城驛之白號張子聰

庾向瑤雷世旺合夥臣卽帶兵前進抵石廟子

見有馬步賊匪約三四千人前來迎敵較前忽

少正擬議間哨探白家壩左右山溝樹林房屋

內俱有伏賊藏匿是欲誘我下山墮其奸計當

派賽沖阿等帶兵由免兒壩南山寺進攻令阿

穆勒塔等帶兵由長溝木龍觀進攻臣督率溫

春馬瑜等由箭竹溝山梁直進囑令各路將領  
侍衛等必須來往兜殺不必深追賊卽分頭來  
迎馬賊極多

臣

催令齊進鎗箭並發六次壓至

山嘴每次斃賊十餘名或二十餘名不等共殺  
賊百餘名而賊總不戀戰見我兵未墮其計始  
行敗退是夜風雨大作四更時偷撲李應貴李  
東山等營卡當用鎗礮斃賊十數名丟棄鎗矛

二十餘件查白家壩東通金山驛魏城驛梓潼  
縣西通大堰塘中壩場等處魁倫現將江油至  
金山驛前後一帶江岸佈置嚴緊賊匪萬難西  
竄卽或由鹽亭蓬溪原路折回東奔又有嘉陵  
一江更難飛越惟大堰塘一路北竄可至重華  
堰或由三木觀北折菁林口臣帶兵不過五千  
而賊匪五股併合據陳得俸等供稱五萬餘人

臣接仗時親見馬步賊匪不過二萬餘人其中被擄難民較多倘該逆等分投牽綴徑行北竄兵力不能兼顧因思魏城之賊業已併合當卽飛調阿哈保之兵來營協剿並札致魁倫酌量撥兵前來庶可分路兜剿至生擒首逆陳得倖之鄉勇冉玉龍當卽賞給頂戴據稱家貧親老不願做官卽酌賞銀二十兩以示獎勵查陳得



俸係著名首逆臣卽就近交魁倫委員解赴省

垣交臬司先福凌遲梟示以快人心而彰

國法再正在拜摺間魁倫已令阿哈保李紹祖帶領滿漢屯土兵勇三千餘名前來協剿並將現有軍火等項運到查冉逆等五股賊匪因官兵連次痛剿不敢窺伺河西遂由石牛舖百瓊壩向東北奔逃若北走棧道魁倫先已派有遊擊

范鑑謨帶兵在劍關扼據若由東南歸原路逃

竄

臣

與魁倫兩路並進其間有潼河嘉陵江間

隔亦易得手卽或由西北竄赴陝甘兩省現有

大兵在彼緊躡其後斷不致有蔓延此時不但

省垣可以無虞卽川西一帶亦已肅清惟魁倫

俟黔兵到齊尙需時日若同

臣

一路追剿必致

落後查東鄉太平界連秦楚久爲各逆往來之

數刻下兵備空虛現在數股賊匪俱在秦楚境  
內滋擾萬一折回川境無兵堵剿地方必復遭  
其蹂躪是以札商魁倫將川西一帶佈置妥協  
俟黔兵到齊卽帶領仍渡嘉陵江由東鄉太平  
一帶迎剿其阿哈保所帶索倫馬隊三百餘名  
暫留臣營俟賊匪遠颺仍令赴魁倫一路剿辦  
李紹祖帶來屯土官兵並都司蕭太和之兵三

千餘名羅恩舉鄉勇八百餘名卽隨臣一路前進是否如斯魁倫仍可隨時酌辦均奏入

上命軍機大臣傳諭額勒登保那彥成曰甘省高馬二姓竄匪向兩河口等處逃竄經額勒登保等親督官兵扼要堵截趕緊窮追疾馳進擊兩日殲斃賊匪一千四五百名生擒賊匪二百六名額勒登

保那彥成同心合力連次克捷深爲可嘉著各賞

給玉搬指金盒鼻烟壺大小荷包慶成帶兵直入賊隊被賊矛戳透皮衣兩重仍復併力截殺甚屬奮勉出衆著加恩賞給三等侍衛再慶成之弟慶長仍令在乾清門行走慶成倍當感奮自効勉圖奏績至額勒登保等所奏川西賊匪計目下德楞泰已與魁倫會合進擊一節本日據德楞泰奏到在江油一帶殲賊多名連獲大勝生擒著名首逆

陳得俸箭傷冉添元鎗斃其弟冉添恒而潼河一  
帶有魁倫督兵防堵東路又阻嘉陵江賊匪無從  
竄逸本日駐驛隆福寺明日正當恭謁

東陵而四川甘肅兩處捷音同至此皆仰賴

昊蒼鴻恩

祖

老默佑嘉慰之餘彌深感着來川西已漸次肅清甘

境賊匪亦就窮蹙惟陝省竄匪股數尙多且額勒  
登保等現在甘省剿賊自西逼向東趨賊匪被剿  
緊急或又折竄陝境並擾及商雒一帶亦未可定  
此時通盤籌畫陝省情形較爲著重昨已降旨令  
額勒登保那彥成會同酌商如甘省之賊已漸潰  
敗則那彥成當酌帶官兵赴陝督剿若正當乘勝  
奮擊之時可以一鼓殲淨又不應拘泥昨旨舍垂

成之功遽行分兵赴陝致賊匪乘間奔逃復留餘  
孽其應分應合機宜總在額勒登保那彥成熟籌  
妥辦也至廣東廣西官兵本令預備檄調今川省  
已添調黔兵不須復調廣西之兵而湖北境內賊  
匪無多廣東兵亦可不用若令由水路前赴興安  
未免紆遠似亦無須調往卽額勒登保慮及陝省  
兵單亦應在甘省酌抽官兵派往協剿豈必舍近



求遠乎再向來官兵打仗出力原有例給功牌此  
次因軍營並未請賞是以未經給予今已交部辦  
理額勒登保應卽查明打仗出力員弁如有應行  
給予功牌者據實造冊咨送兵部照例賞給

上又命軍機大臣傳諭德楞泰曰本日朕駐蹕隆福  
寺明晨恭謁

山陵捷音馳至覽奏之餘欣感不盡德楞泰打仗素爲

奮勇此次在新店子地方見賽沖阿等被賊圍住  
德楞泰卽帶侍衛弁兵飛奔救援內外衝擊重圍  
立解並殲賊多名擒獲兇渠實堪嘉獎德楞泰著  
加恩授爲內大臣並賞給玉搬指金盒大小荷包  
賽沖阿溫春阿穆勒塔奮力殺賊均屬可嘉俱著  
交部從優議敘仍各賞給堪達爾罕搬指玉翎管  
玻璃盒具打仗實在出力員弁著查明咨部酌給

功牌用示鼓勵所有殺賊陣亡各員弁俱著咨部  
賜卹至所稱川西各股賊匪有潼河嘉陵江間隔  
易於得手卽或由西北竄赴甘省亦可緊躡其後  
等語此則不可現在甘省雖有大員在彼卽賊匪  
竄往亦屬易辦但賊過之地又被蹂躪陝省他股  
賊匪尙多豈可再任川西賊匪闖入總須趁賊匪  
在潼河嘉陵江之間全數殲除不可復令滋蔓又

據奏札商魁倫俟黔兵到齊仍渡嘉陵江山東鄉  
太平一帶迎剿等語似覺尙早現在潼河防守最  
關緊要魁倫豈可輕離該處自當在彼嚴密防堵  
俟川西之賊全數辦竣德楞泰與魁倫再赴川東  
川北有賊處所剿捕餘匪亦不爲遲若慮及東鄉  
太平一帶毘連秦楚又係德楞泰等後路亦應派  
委大員酌帶兵力前往堵剿著德楞泰或將黔兵

分撥二千名選派鎮將帶赴東鄉太平一帶或  
卽令李紹祖帶領原來之兵仍回川北亦無不可  
主擒獲陳得俸之鄉勇冉玉龍旣不願出仕著再  
加賞銀數十兩以示鼓勵

上諭內閣曰本日叅贊德楞泰奏報連得勝仗生擒  
首逆川西將次肅清又據經畧額勒登保叅贊那  
彥成奏報截剿甘省竄匪不令入川擒獲僞元帥

殲戮千餘名正位朕駐蹕隆福寺此皆

上天

祖

考垂佑欣感不盡明晨敬詣

山陵虔申叩謝軍機大臣每日自寅至酉實力贊襄助

朕籌畫實屬辛勤俟大功告成自當予以世職先

著各加一級軍機章京及兵部聽報章京均著賞

給紀錄二次沿途驛站咨行各省督撫俱加賞賚

同日魁倫奏言查前日李紹祖帶兵到來

臣因

探聞賊在白家壩一帶卽令其馳往江油與德

楞泰之兵合力迎擊已於未刻自金山驛起程

前往旋於酉刻據翼長副將薛大烈回稱接據

德楞泰處營務翼長溫春等稔咨本月二十四

日自江油縣屬張村亞剿捕逆匪追至新店子

大獲勝仗生擒首逆陳得俸斃賊甚多餘賊現  
竄白家壩一帶叅贊諭令移知副將托雲泰令  
將所帶官兵內酌帶二三百名防守梓潼其餘  
俱帶領由梓潼魏城金山驛探聽大營前來接  
應等語查托雲泰之兵

臣

先因未接德楞泰來

川之信曾派同阿哈保赴梓潼縣駐紮以遏賊  
匪西竄之路後因賊匪有由石牛鋪橫竄江油



一、帶滋擾之信，隨調托雲泰帶兵一千名前赴江油一帶添防河岸。今德楞泰一路連獲勝仗，正須兵力策應。若調托雲泰之兵往返三百餘里，不但緩不濟急，且江油一帶防河此時尤關緊要，未便遽行撤回。查李紹祖之兵甫經起程，尙不甚遠。臣當卽一面飛差持令追令李紹祖帶兵折回，由金山驛向新橋一路趕赴白家壩。

策應其阿哈保所領馬隊官兵三百餘名原係  
遵

旨派與貴州總兵施縉分帶黔兵擬卽令其前赴潼

川尙未起程臣卽一面令其帶領前進與李紹

祖之兵會齊俱於二十八日辰刻渡河臣並將

屯土官兵三百餘員名交李紹祖等帶領前往

以資得力計德楞泰由昭化劍州一路前來所

帶軍火弓箭糧食恐有不敷且川西一路軍糧俱由省城潼川重慶一帶撥運綿州係偏西之路現在存糧無多亦未存有軍火等項非若達州爲總滙之處一切充裕臣業已一面飛飭省局趕運一面卽先就臣營所有派委員弁星速運往應用二十八日戌刻德楞泰差弁賁信前來得悉其移營魏城驛北距賊匪奔竄石牛鋪

之路僅三十餘里阿哈保李紹祖之兵是日亦可取道趨赴魏城驛會合攻剿奏入

上命軍機大臣傳諭魁倫曰川西賊匪既經德楞泰痛加剿殺賊勢已極殘敗地方指日即可肅清魁倫現帶兵在潼江駐守防堵嚴密並先將營內所有軍火等項迅速運往應用所辦俱合機宜魁倫務趁此時悉心籌畫將德楞泰等處官兵應需糧

餉源源接濟俾德楞泰得以趕緊剿捕迅速肅事  
將來川省賊匪掃除淨盡德楞泰等得以成功魁  
倫亦可以減罪其潼江防堵事宜魁倫必當駐紮  
該處督率兵勇嚴加堵禦斷不可輕離潼江以致  
少有疎虞爲要

欽定剿平三省邪匪方略正編卷一百五十八

庚申年

三月十一日

癸亥

恒瑞奏言

臣

至宕昌軍營額勒

登保等以陝西鎮安一帶賊匪未淨恐由商維

東竄豫境令帶兵出秦州前往當於二月二十

三日起程查宕昌距陝西鎮安商維不下二千

餘里步兵長行每日不過八九十里計須二十

餘日始能趕到昨據鎮安縣知縣劉之睿稟報

南山內賊匪於二月初八日已竄鎮安臣實萬

分焦急若由秦州清水汧隴一帶回陝道路稍

遠恐需時日是以卽從秦州便捷小路由街子

鎮黨家川利橋等處趕緊行走於三月初二日

至陝境唐藏地方探聞一股賊匪係楊開甲與

高均德張漢潮之餘黨合夥約有四五千人二

月二十五六等日由兩當竄至南星等處又有

一股賊匪二千餘人自太陽寺二郎壩至草涼驛棧道多有梗塞

臣

聞信卽帶兵由唐藏連夜

趕緊抄截賊遂東竄棧道雖已疏通但終南山賊匪本多刻下又添兩股難免不肆行分擾台布已赴漢中並聞總兵多爾濟扎普帶兵二千餘名在海陽之三岔地方遇賊失利竟致官兵損傷大半該鎮亦經被害商維一帶地方遼闊



可通豫省之路甚多現在東路之兵不滿三千  
恐堵剿不能周密尤恐各股賊匪倚恃聚乘  
間向北竄出平原所關匪細臣現在帶兵二千  
四百餘名前來惟有趕緊由寶雞沿南山一帶  
探蹤行走如賊匪竄出峪口即可迎擊如直向  
東奔卽會同副都統國霖悉心籌畫就現有之  
兵盡力堵剿以扼賊匪東竄之路奏入

上命軍機大臣傳諭恒瑞台布曰恒瑞在陝境唐藏  
地方將該處竄匪趕緊抄擊雖據稱棧道已就疏  
通但南山賊匪尙多而草涼驛南星等處又有分  
股竄擾之賊情形較爲著重恒瑞係西安將軍台  
布現任陝西巡撫所有陝境各股竄匪俱交伊二  
人專辦現據恒瑞奏稱東路之兵不滿三千而恒  
瑞現帶之兵亦祇二千四百餘名恐堵剿不能周

密自應酌籌添調但山西兵丁前曾調赴陝西台  
布以爲甚屬平常卽額勒登保亦稱晉兵不能得  
力自不便再行檄調祇可留於本省防堵此外則  
河南之兵較之山西兵丁爲優但商雒一帶現有  
賊匪往來遊奕與豫省境壤毗連河南邊界正須  
兵力堵禦勢難分撥此時川西剿辦賊匪連獲勝  
仗可期漸次肅清現已有旨令德楞泰酌量情形

或將貴州調來之兵酌撥一二千名派員帶赴陝  
省恒瑞台布若能就現有兵力將各股賊匪以次  
殲除固屬甚善若兵力不敷必須添調卽咨催德  
楞泰派委鎮將酌帶黔兵速赴陝省以期及早肅  
事

上又命軍機大臣傳諭德楞泰曰川西賊匪屢經官  
兵痛加殲戮江岸防守嚴密無從竄逸自可期漸

就肅清而陝省漢江南北及鳳寶一帶俱有賊匪  
竄擾情形較川省又爲著重該省兵力無多卽恒  
瑞亦祇帶兵二千餘名前往恐尙不足以資堵剿  
現在川省所調貴州兵三千名自己到齊又有李  
紹祖帶到之兵以之剿辦敗竄餘匪無難迅速殲  
除此時德楞泰如已將川西竄匪剿淨則續調之  
貴州兵三千名並可行文停止卽將先行調到之

兵酌撥一二千名派令李紹祖阿哈保二人帶領  
取道渡江先將川北地方零星餘匪搜捕淨盡卽  
赴陝省幫同恒瑞協剿尙川西賊匪一時未能辦  
竣兵力難分卽將續調之貴州兵檄催赴陝俾資  
堵剿之用德楞泰務須察看情形妥爲籌畫不可  
因此又將川西未淨餘匪舍而他顧如前此在川  
省時率行赴甘以致川北賊匪有乘虛擾及川西

之事總須將川境竄匪悉數殲除方可移兵赴陝也

十二日甲子松筠姜晟明亮奏言竊臣松筠經過

鄖西鄖縣以及均州光化穀城等處察看沿江一帶河南臬司完顏岱道員陳鍾琛督率知州軍可堯知縣林嵐等帶領兵勇在江北老河口均州泥嘴等處分段佈置勢向聯絡惟鄖西與

陝西商南洵陽連界山徑分歧要隘極多彼處  
現有賊匪防範宜嚴已疊飭原派駐守鄖西之  
道員恒慶及知縣孔繼楨等就近加意偵探設  
備迎堵不使闖入並飛飭漢南附近要路各州  
縣一體團練鄉勇於交界處所慎密堵禦

臣松

筠於初四日已抵襄陽

臣

明亮亦於初五日起

到與

臣

姜晟公同籌酌剿辦事宜查賊匪現在



當陽遠安東湖保康一帶有竄興山之勢經倭  
什布孫清元等分投截剿雖屢獲勝仗而兵力

尙單

臣

松筠明亮卽帶現有兵勇及將軍弘豐

交到滿兵五百名留駐荆門州滿兵五百名由

該州取道前進所調湖南官兵一千名日內可

抵荆門正可一併帶赴當陽等處與倭什布孫

清元王凱合力兜擊務期迅掃賊氛廓清楚境

其白竹谿續行竄入之賊卽係慶溥溫承惠由  
平刊剿散之苟鮮等逆昨據竹山縣知縣范繼  
昌稟報該逆等已過官渡河亦有奔竄興山之  
勢臣等惟有稟遵

訓諭務將各賊次第殲除以期早安百姓一俟剿滅  
淨盡卽行酌分官兵趕赴川省協剿再前奉

諭旨令臣松筠馳赴倭什布營接署督篆茲姜晟業

已抵楚

臣

可毋庸接署至督兵剿賊必須吉林

索倫馬隊數百名乃爲得力伏乞

勅下經畧額勒登保酌撥二三百名卽由河南速來

楚省以便迅掃妖氛奏入

上命軍機大臣傳諭松筠姜晟明亮曰楚北竄匪前據倭什布奏賊衆已不及千餘人復經官兵屢次逼剿先在歐家店殲擒七百餘名又在白虎觀等

處斃賊五百餘名乃本日松筠等奏到之摺又稱賊匪現在當陽遠安東湖保康一帶有竄向興山之勢其平利剿散之賊亦自竹谿奔竄興山并請於經畧額勒登保處調撥吉林索倫馬隊二三百名則似楚北之賊尙復不少而松筠等又祇稱合力兜擊次第殲除並未聲明賊匪現有若干如何辦理情形又似不甚緊急其故殊不可解或係倭

什布前此奏報不實或係松筠姜晟等甫經到彼  
未及詳查賊情是以所奏互異著松筠等查明楚  
省各股賊匪究竟尙有若干卽不能得有細數其  
大概數目自可約畧先行馳奏至該處賊匪尙在  
當陽保康一帶分投奔竄松筠明亮現已有弘豐  
交到滿兵五百名又有留駐荊門州滿兵五百名  
並前調湖南官兵一千名加以湖北本省原有之

兵及高杞雇募之鄉勇三千名兵力不爲不多剿  
此敗竄之賊自已足敷辦理此時甘省正在剿賊  
喫緊之時其吉林索倫馬隊兵丁自難分援楚省  
且令由河南赴楚道旣紆遠必須經過陝西日下  
陝境賊匪較多如有此項兵力該省必思截留協  
剿況由甘至楚緩不濟急前此倭什布截剿賊匪  
尙能屢有斬獲今松筠明亮二人俱已抵襄自更

可併力奮擊所有楚省賊匪卽專交松筠明亮二人督辦務須勉力將倭什布未經剿淨之賊卽在東湖興山一帶兜截全數廓清斷不可又任乘間奔逃向歸巴等處復竄川境一俟東湖興山賊匪辦竣後松筠等卽移師竹山竹谿將苟鮮等逆悉數殲除勿令稍留餘孽現在川西之賊屢經逼剿勢已窮蹙無難撲滅松筠等於肅清楚境後不必

入川應令倭什布在楚省邊界督率防堵松筠明  
亮二人卽帶領勝兵由二竹前赴紫陽平利一帶  
剿辦陝省賊匪以期迅速殄除

十三日 乙丑 倭什布奏言賊匪於二月二十三二

十五等日經官兵遏截剿敗奔至荷花店地方  
又分股闖入興山之邊界公坪后界坪一帶兩  
路衝突忽東忽西莫能定其趨向查荷花店東



通當陽若令越過地勢平行卽走荊門等處大  
道其東南係東湖之霧渡河距府城僅數十里  
均關緊要王凱已帶兵由水程前至宜昌府城  
因飛飭孫清元不必躡賊跟剿卽由遠安邊境  
抄至當陽界內攔擊

臣

由南漳西北觀音巖一

帶前進以冀三面兜剿二十八日黎明孫清元  
同叅將吉林泰海麟等翻山繞至當陽要隘宋

家垵地方適該處卡勇因衆寡不敵被賊衝散  
傷亡多名賊已驅衆擁至孫清元等當率官兵  
迎擊該匪立即折回返竄追殺二十餘里斃賊  
五十餘人二十九日賊衆仍退回荷花店漏夜  
狂竄意欲乘虛北向南漳縣城初一日申刻

臣

督兵行抵土地嶺正與賊匪迎面分飭副將樊  
雄楚叅將烏爾卿額等分兩翼抄進施放連環

鎗礮斃賊四十餘名追至定寧坡天晚始行紮  
住該匪見東北兩面皆不能竄越又從東南竄  
至水月寺霧渡河左近孫清元等復抄至羅舍  
溪地方攔剿王凱帶兵亦趕至東湖境內聲勢  
聯絡賊知東南亦難肆突遂向迤南折至南漳  
興山交界山內與前入興山公坪后界坪折回  
之賊仍聚一處初三日改向西路馬良坪等處

回竄查該處深山險峻係賊來路西屬保康歇  
馬河北面可通南漳城卽走襄郢大道現均無  
兵遏擊恐該匪窺伺腹地因令孫清元一路官  
兵從通城河重陽坪一帶緊躡前往仍相機設  
法兜擊臣飛卽帶兵由南而北貼近南漳兜住  
杜其北竄入襄之路並令王凱一路在東路巡  
檢司一帶暫駐倘兩路將賊截回仍可攔遏並

兼顧遠安當陽等處邊界總令該區無隙可乘  
再痛剿一二伙可冀兜圍殲洗至後股竄至竹  
谿豐溪之賊前派遊擊蔣攀龍等帶領兵勇迎  
截茲於本月初三日據報二十六日行抵房縣  
竹山交界之獐洛河龍溪溝遇賊接仗斃賊四  
十餘人馬賊二名賊已退走惟外委鄧體道壓  
賊陣亡該遊擊現在秦口一帶遏其東北之路

察看賊數無多頭目查係苟姓或卽苟文明亦  
未可定計襄鄖新募兵勇已可趕到協剿無虞  
下竄姜晟已於二十八日到襄臣現赴南漳迤  
北相距百十餘里已約到漳會晤而明亮日內  
自必趕到襄陽並聞松筠亦由鄖陽東下已將  
賊勢詳細告知俟晤面熟籌詳議或合力圍擊  
或分投截殺總當幫同實力從事將各起賊股

殄滅淨盡奏入

上命軍機大臣傳諭松筠倭什布明亮曰楚境興山之賊勢已窮蹙再痛剿一二仗後即可剿洗淨盡而竹谿等處苟姓賊匪已就敗殘現在松筠明亮先後踵至襄陽諒已與倭什布會面務須同心計議勉力兜剿先將興山等處潰匪殲斃無遺不使乘間竄往他處一俟此股剿畢後卽前往竹山竹

谿等處將苟姓等各股賊匪悉數掃蕩方爲妥善  
昨據恒瑞等奏陝省賊勢較爲肅張倭什布於此  
兩股賊匪辦畢自當仍留楚省邊境防堵至松筠  
明亮一俟肅清楚境後卽當帶領勝兵前往紫泉  
平利相機協剿以期迅速殲除其陣亡外委鄧體  
道著咨部賜卹

同日台布奏言據畧陽沔鳳等縣稟報甘省竄



來一股賊匪由龔家集舊關溝至成縣之建村  
距畧陽甚近又楊開甲分爲兩股一出草涼驛  
一竄車道河又有甘肅兩當竄來一股亦已竄  
至草涼驛伏思甘省各股駁駁出棧原因經畧  
叅贊痛剿狂奔而來惟後有追兵前無攔阻萬  
一竄出平原則繁庶之區所關匪細至於南山  
蹂躪已不可勝計實不值再爲顧惜且臣前已

奏明添柯藩帶兵前往劉之仁一路會剿恒瑞  
現亦帶兵回陝取道前進副都統國霖亦不日  
可到是情形山外爲重山內爲輕若論糧餉據  
松筠告知存銀不到千兩行抵漢中支發已盡  
各路領餉紛至沓來省局撥解之二十萬兩棧  
道梗阻尙無信息不得已向郡城鋪戶暫行借  
貸令知府趙洵率屬趕緊辦餉又思川省已有

浙淮等餉源源解運此時可以稍緩適副都統

定住押餉銀四十萬兩過境臣親迎至褒城囑

其留出一半以濟二月內應發急需俟省局發

來餉項卽全數運還川省現在補放二月分餉

銀外所餘無幾三月分無可支發已有來城關

領者籌畫未得就緒此時甘境賊匪大有折回

之勢將來經畧叅贊大兵回陝兼之棧內各股

賊匪去來未定情形總較南山爲重是以再四  
籌酌臣仍暫駐漢中隨時相機四面策應並籌  
辦兩路糧餉至現在用兵之五省打仗隨營守  
卡探信在在俱有鄉勇爲數未嘗不多而如湖  
北之鄖西陝省商州之龍駒寨以勇敢著名者  
十不得二三大半平日游蕩無度之人充數從  
前軍興之初兵力旣強帑項又裕州縣稟請團

勇上司或視爲不急之務或防其以少報多層層核駁迨後兵力稍疲餉銀偶缺上司催令團勇州縣又視爲具文不得已虛應故事一遇有警無論老弱但執矛而來卽予口食一欲裁撤無論精壯概不收集不知此等地方匪類若認真團練卽未必盡能殺賊亦斷不至於從賊卽係綏靖閭閻之一法

臣於二月內分營後隨征

鄉勇獵戶逐日習練持矛者口食照例用錦者  
格外加給此內以獵戶之打雁手爲最其鎗較  
長發無不中惜不能多得其口食則倍而又倍  
然總較兵丁爲省今蒙

皇上諄諄教導愈覺得有把握惟當實力督飭勸諭  
期於公事有濟奏入

上命軍機大臣傳諭台布曰陝省各股竄匪紛出滋

擾情形較川省爲重自應速籌堵剿勿令日久蔓  
延至賊股旣多兵勇皆有增添其一切軍火糧餉  
自屬緊要前已有旨將由京解往山西藩庫存貯  
銀兩給五十萬交台布收用此時諒可收到台布  
祇應將解陝之五十萬兩收貯支用不得復將解  
川之五十萬兩擅行截留其前次截留之川餉二  
十萬兩仍著遵前旨籌解川省歸欸現在陝省剿

賊祇有恒瑞一人帶兵前來尙恐賊多兵少合布  
駐紮漢中辦理餉項仍須隨時策應軍務不待置  
剿賊之事於度外昨已有旨諭額勒登保察看甘  
省情形如賊匪指日可以辦竣卽令那彥成帶兵  
赴陝協剿若那彥成已督兵來陝台布自可專辦  
糧餉事務若那彥成尙未抵陝台布可咨催甘省  
或那彥成帶兵前來或酌分兵力另派鎮將帶領



務須迅速來陝以資剿捕其川省所調黔兵數千  
此時川西之賊將次肅清已另有旨令德楞泰酌  
撥來陝亦著台布咨明德楞泰催饋此項黔兵到  
後台布應卽同恒瑞悉心籌辦併力夾擊以期早  
淨賊氛至籌辦兵勇事宜前經降旨以招募鄉勇  
較添調兵丁爲減省令用兵省分各督撫酌量妥  
辦台布所奏自係實在情形從前辦理不善總由

地方官視爲具文今台布旣深悉情罪自應痛懲  
積習卽著妥爲招募團練以期得力仍嚴定勸懲  
之法如果州縣有辦理認真團練得力者自宜量  
加保奏以示鼓勵若仍前奉行故事有名無實卽  
當據實叅奏庶團勇皆收實用賊匪無從奔軼可  
以剋期蒞事

上又命軍機大臣傳諭額勒登保那彥成曰台布奏

峇陽沔鳳等縣俱有由甘竄入賊匪又楊開甲分爲兩股一出草涼驛一竄車道河復有另股之賊由兩當至草涼驛分投滋擾此等竄匪皆因額勒登保等在甘逼剿賊匪若向西北奔竄則廣厚在彼截剿若由階文渡白水江該處亦有兵防堵其勢自必東趨陝境而川北一帶之賊亦不免有闌入陝境者現在陝省兵少賊多情形甚爲著重且

陝甘兩省毘連唇齒相依本屬一事必俟甘省之  
賊全數剿淨始行顧及陝省則陝省賊匪又必至  
鴟張額勒登保那彥成二人前功頓棄矣況陝省  
東面無兵攔截西路逼剿愈緊該匪等自必乘間  
東竄豈竟聽賊匪等紛紛入陝甚或擾及河南邊  
界何所底止乎此時台布因糧餉緊要須在漢中  
籌辦祇有恒瑞一人帶兵搜捕恐難得力額勒登

保那彥成務須會同熟商如那彥成能赴陝省督率剿辦固屬甚善若那彥成不能分身前往亦應於將領中遴派勇幹之員酌撥兵丁令其帶領速赴陝省截擊額勒登保等尤當乘勝上緊剿辦卽在甘省迅速殲除淨盡勿使乘間東竄

同日阿迪斯奏言查大寧爲夔府後路賊匪不時奔竄至此屢經蹂躪東界楚省遠近一二百

里不等北通陝界相距二三百里不等幅輒遼闊必須前有防堵後有追兵方於剿捕得力經七十五稟明額勒登保令總兵德英額在黃羅傘龍泉寺帶兵勇一千二百名設卡防守派都司馬驥帶兵勇八百名於黃草坪設卡防守派守備李大發帶兵二百名防守夜叉岩觀音岩設卡一處派守備封世昌帶兵一百名駐守互

爲犄角遇有賊匪七十五帶兵往來剿捕

臣自

大寧帶滿洲官兵六十餘名綠營兵五百餘名

相機策應或會同協剿此項兵勇爲數原多若

聚於一處地方寬大不免有顧此失彼之虞分

佈四處又覺見單只足供防堵之用現在夔巫

大寧等處賊匪較從前雖少而時出時沒蹤跡

無定所有拿獲三名俱從前探信之賊節經具

報額勒登保在案未能多爲剿洗實屬無能

臣

於二月初一日接據魁倫抄錄摺稿始知賊匪  
已搶渡嘉陵江大寧距順慶一千餘里因所聞  
不出魁倫所奏糊塗猶豫一時未能具摺上

聞五內實深焦急現在零星撲捕賊匪尚未肅清若

弁竄至此

臣

卽就近加緊實力剿捕再查大寧

駐防原係堵禦開雲逸來賊匪近因賊人竄楚



邊境在在毘連而自楚折回川省之路較多賊  
匪時近時遠是以嚴爲預備以便截剿原無專  
禦伺殷之賊爲今之計自應以川西爲重

臣現

擬將兵勇二千三百名交總兵德英額設卡防

範就近剿捕摸樁賊匪

臣

卽帶滿洲官兵六十

餘名緝營兵丁五百餘名卽日馳赴魁倫營盤

一同進剿奏入

上命軍機大臣傳諭德楞泰勒保曰阿迪斯由驛遞  
到奏摺內稱總兵德英額都司馬驥等在黃羅傘  
黃草坪等處設卡防守遇有賊匪七十五帶兵往  
來剿捕阿迪斯自大寧相機策應或會同協剿等  
語試思大寧一帶並無賊匪竄擾其所稱德英額  
馬驥等設卡防守者係屬何賊而七十五往來剿  
捕者又係何賊況七十五並未與賊打仗卽阿迪

斯亦係在彼株守所謂相機策應者何在而摺內復稱夔巫賊匪較前雖少時出時沒蹤跡無定所有拿獲三名俱係前來探路之賊等語尤爲可笑探信賊匪旣被拿獲三名豈有不向其詰訊之理且此三人係何名姓賊匪遣令探信拿獲之後如何辦理均未提及况旣稱拿獲三人而摺後又稱未打一仗未殺一賊豈不自相矛盾或此三人者

亦係子虛均未可定又據稱前此川北賊匪搶渡  
嘉陵江因所聞不出魁倫所奏糊塗猶豫一時未  
能具摺上聞等語更不成話阿迪斯係成都將軍  
豈有本境賊匪竄入川西輒因魁倫業經具摺卽  
視同局外不復奏聞之理而摺內並有現在零星  
摸椿賊匪若奔竄至此卽當就近剿捕之語阿迪  
斯旣知有摸椿賊匪卽當上緊搜捕豈有等候賊

匪自行投到方始剿辦若各路帶兵官員俱候賊到方剿則賊匪豈肯自投羅網何日始能剿盡耶又據稱大寧駐防係堵禦開雲逸來賊匪近因賊人竄楚邊境在在毘連而自楚折回川省之路較多是以嚴爲預備以便截剿等語年來由川入楚之賊頗多未聞由楚折回川省者卽近日常有由川竄入楚境賊匪亦由七十五防堵不力致任闌

入阿迪斯何得以預備楚匪折回藉詞堵禦且半年以來亦何曾見阿迪斯截剿何股賊匪耶阿迪斯係阿桂之子爲滿洲世家大臣乃授以成都將軍派令帶兵剿賊竟似此庸懦無能擁兵玩誤實出情理之外殊屬上負重恩貽羞乃父並有愧誠謀英勇之公號伊現因接奉嚴飭自知罪難諉卸續據奏稱帶兵前赴魁倫營盤一同進剿阿迪斯

無能若此卽去亦有何益著將原摺發交德楞泰  
卽行催令阿迪斯前赴德楞泰軍營傳旨解任此  
時勒保自己可到卽會同將以上指出各情節向  
阿迪斯逐一詰訊令其據實登答如無可置辯卽  
將伊革職定擬具奏派員解交刑部候旨所有成  
都將軍員缺卽著勒保暫行護理另候簡放至鶴  
鹿鎮總兵德英額前經額勒登保派在黃羅傘等

處帶兵防守究竟防守何處如該處並無賊匪德  
英額竟係在被株守不動亦著德楞泰等一併訊  
明嚴叅治罪行軍之道全在賞罰嚴明各路軍營  
帶兵打仗員弁等衝鋒陷陣親臨前敵者本屬置  
身危地若懦怯觀望之徒皆得安然無事則誰不  
避危卽安是以軍法最重先登之賞亦最嚴退縮  
之誅原欲令身在行間者知所激勵果能奮勇上



前未必皆蹈不測即使臨陣捐軀既可自獲令名  
而其子嗣尙可仰邀恩典若退縮不前望風先奔  
必當以軍法從事方可期踴躍爭先立功受賞此  
卽所謂置之死地而後生也並著各路統兵大員  
通諭帶兵員弁等一體知悉庶幾有勇知方人人  
用命剿捕自能得力也